

Na osnovu člana 57. Zakona o zaštiti ličnih podataka („Službeni glasnik BiH“, broj: 12/25) i člana 24. Pravilnika o sistemu videonadzora u Ministarstvu saobraćaja Kantona Sarajevo (“Službene novine Kantona Sarajevo”, broj: 19/26), ministar saobraćaja Kantona Sarajevo donosi

**ODLUKU
O USPOSTAVLJANJU SISTEMA VIDEONADZORA OBJEKTA NADZORNO-
UPRAVLJAČKOG CENTRA**

**Član 1.
(Predmet i sadržaj Odluke)**

- (1) Ovom odlukom uspostavlja se videonadzor na objektu Nadzorno-upravljačkog centra (u daljem tekstu: NUC).
- (2) Pitanja koja se odnose na način uspostavljanja, korištenja i upravljanja sistemom videonadzora, svrha obrade ličnih podataka, način pristupa snimcima, rokovi čuvanja snimaka, zaštita podataka, evidencija pristupa, dostavljanje snimaka nadležnim organima i druga pitanja značajna za zakonitu obradu ličnih podataka uređena su Pravilnikom o sistemu videonadzora u Ministarstvu saobraćaja Kantona Sarajevo.

**Član 2.
(Položaj i opseg snimanja na objektu NUC-a)**

- (1) Videonadzor se vrši na objektu NUC-a koji se nalazi na adresi Srđana Aleksića br.1, Sarajevo.
- (2) Videonadzor je postavljen na adekvatna mjesta na objektu iz stava (1) ovog člana, a na temelju organizacijskih i sigurnosnih potreba, te tehničkih mogućnosti.
- (3) Sistem videonadzora sastoji se od tri kamere raspoređene na sljedeći način:
 - a) Glavni ulaz: Jedna kamera koja prati ulaznu i izlaznu zonu objekta.
 - b) Bočne strane: Dvije kamere koje snimaju neposredni prostor u okviru podešenog vidnog polja.
- (4) Snimanje se vrši neprekidno 24/7.
- (5) Video-zapis se vrši bez audio-zapisa, uz obavezan prikaz datuma i vremena na snimku.
- (6) Arhiviranje snimaka vrši se pohranjivanjem podataka na serverskoj cloud infrastrukturi.

**Član 3.
(Stupanje na snagu)**

Odluka stupa na snagu danom donošenja.

Broj: 04- 04-27048/26
Sarajevo, 18.05. .2026.godine



MINISTAR

Adnan Štefa